

# Агитатормудин семинар

«Сталинск областин күч-көлсчир дунд политическ цäälгъврин болн терүг яерулхин тускар» КПСС-н ЦК-н гаргъсн тогтавр күцäдж партин Западн района комитет агитатормудин болн пропагандистрин кöдлмш яерулгъар зöвär кöдлмш кев.

Района колхозмудар болн совхозмудар агитатормудин совещань, семинар кедг нег öдр долан хонг гаргъгдв. Дажад КПСС-н района комитетин пропагандистрин агитацин отдел данггин үүлдг семинар бүрдäгдв. Эн джилин ноябрин 28-д түрүн семинар болв. Семинарт 300 агитатор орв. Района нүүрт йовгч хööчнр, саальчнр, кöдлмшчнр болн колхозникүд, советск интеллигенц агитатормуд болдж кöдлдж йовцхана. Теднä кеснб эврәннб кöдлмшärн социалистическ дөрлдäггяр авсн даалгъвран күцäлгъärн үлгүр-үзмдж болцхана. Үлгүрнб, Чапаевин пертä колхозин коммунистнр-агитатормуд Райса Яцкая саадг үкр болггънас 2500 гар килограмм үс саадж авб, «Ленинец» колхозин саальч Нина Павличенко бас сән үзмджтä йовна. Тим үлгүрмүд нань чигн бääцхәнä.

Нарт делкән бääдлин тускар үр Л. Г. Поречный семинарт лекц умшв. Дажад 1959 джилд района авсн социалистическ даалгъврин ашин тускар селәнä эдла-хун района инспекцин начальник үр В. Ю. Корнеев доклад кев.

«Южный» совхозин агитатор үр Попова, «Пролетарская победа» колхозин ах хööch-агитатор үр Гаврилов «Комсомолец» совхозин агитатор үр Воронцов болн нань чигн агитатормуд эврәннб цäälгъврин кöдлмшин дамшлтсарн селвлдцхäv. Эднä келсн үгмүдиг семинарт орлщачнр икär онгтан öгч сонгъсцхäv.

Агитколлективин кöдлмшин дамшлтин тускар «Ленинец» колхозин партийн организацин бюрон сеглätр үр Гладкий келв.

«Олн äмтн дунд цäälгъврин кöдлмш яерулхин туск төрär» КПСС-н райкомин сеглätр үр М. С. Инджиевин кесн доклад сонгъсдж семинар кöдлмшän төгсäv.

**Д. КАРАСЕВ.**

**КПСС-н райкомин пропагандист.**